

四庫全書

集部

欽定四庫全書

御製詩四集卷六十九

古今體七十四首

庚子五

阿桂奏報將合龍形勢詩以誌慰

未敢稱功就先期達喜音金門溜已斷竹箭落猶深

阿桂

奏儀封決口於本月十一日午刻兩壩攔合隨上紫填
歷未逾數刻金門立見斷流大溜全注引河但尚有一
二腰漏處未屆十分放心不敢即馳報合龍然十一日
金門業已斷流大溜全入新河壩脚俱係停水而長水
亦已消腰漏誠無礙脚停亦漸沉黃流將到浦

陸載奏
黃水已

還等語

長至九尺餘十六日已據稟報黃水已到
桃源境內距清黃交匯處不過百餘里
歲事庶幾今

塔灣行宮五依

皇祖詩韻

五度南巡五歲華亦經五次韻更麻
豫遊敢遲已之欲
中外由來帝者家
聒耳早嫌絲與竹
怡情那在鳥和花
堯年行館惟斯一
茲漸多空言戒奢

夜雨用杜甫雨詩韻

二月十七日

傍晚謂當霽江雲更怒生疑池積砌色落瀑聽簷聲有

屋那虞漏發舟應在明南方固多雨三日邇邇邦城

河南巡撫榮柱奏報得雨詩以誌慰

京師得雨念齊燕

昨王大臣奏京師得雨有燕齊通待佳音報之句

豫近因之

報到先

榮柱奏報二月初一日初四五等日春雨霏霏麥苗益易長養等語豫省距江南較近故報先

耳同是仲春初四五

豫省得雨與京師同在初四五等日雲勢廣濶遠近自獲霽霽均

霽二麥益芊眠無妨郊外穀種佈自合街頭糧價平更

喜儀封合龍近

阿桂等奏儀封決口于本月十一日午刻兩壩攏合隨上緊填壓未逾數刻金

門立見斷流大溜全注引河現在加倍鎖壓趕添邊埽外護使河水大消壩工穩固即馳報合龍

為民

額手慶忻然

過瓜洲鎮

瓜字原為江裏洲閘成潮不到揚州

蔡寬夫詩話云閘州大江與揚子橋

對岸瓜洲乃江中一洲唐李紳詩云揚州郭裏見潮生當時大江之潮揚州固嘗見之自瓜州以開為限潮遂

不至揚州記載或遺就失實嘗訂正之詳見向所作廣度濟疆域辨從來記載多遷就各

執見閘滋怨尤無暇因他考古蹟有心惟是切民謀甲

申憶被坍沙後

甲申六月高晉奏瓜洲江水長陸文餘泐潮壩岸坍陷至七月汎平加斲碎石

江塘復完十餘年來頗為安寧今閘視居民較之前廵所見益覺稠密矣重觀閘閘莫以稠

渡江

不藉稱帆利真如渡鏡空雲頭霏細雨江面斂微風
岸方知到得門乃自通

瀆神信昭貺欣感意何窮

至金山駐蹕作

畫舸長江茲五度較前四度景嫌殊雲瞻日就情仍彼
遊奉

歡承感切吾未可罷巡以民戀依然安泛賴神扶金山

純粹而精處秀助吟酬那得無

金山寺五依

皇祖詩韻

治安端在萬民和欽仰

堯敷自勵多即此林林迓鑒者心誠如保中去聲云何

題鏡治齋

浮玉中行齋向曾額鏡治懋宿偶循名于斯有二義一
曰鏡在民果得教養遂一曰鏡在已屋漏可無愧自審

多未逮徒言何濟事返躬每以先玩景猶其次

遊金山寺五疊蘇軾韻

觀我莫若觀乎民浮江卽似浮於海君師責匪道不行
遐想東桴愧應在泊舟茲復遊頭陀風恬曾弗揚微波
長流萬里奚啻萬西源東委興懷多往來梭織行帆楫
四民赴時爭一日養欲給求其艱哉省方亦曰厘黎赤海
門湧出玉蟾魄光耀巨川練非黑而我夕窓方暎明擬
賡蘇句心先驚欲罷不能羞不識險韻依然一體物流

者為水峙者山曰流詎巧峙豈頑峙流祇寓樂而已何
係仁山與知水

題文宗閣

皇祖圖書集大成區分五百廿函盛空前絕後菁華煥
內聖外王模楷呈秀稊江山稱去聲此地文宗今古貯層
疊畧觀大意那知要知要仍惟在力行

詠蘇軾玉帶疊乙酉詩韻

七百餘年玉帶遺笑他佳話竟何為印公出口遂成偈

坡老團腰竟失儀勝在負邊亦知否匪伊即我底須垂
山僧面衍誇珍古問彼古人宜不宜

題陳卓江天帆影簑頭

大江渺渺接長空一葉輕舟點破中那是簑頭搖動處
好看五兩助帆風

金山四疊舊作韻

大江洗不盡山青色匪色還形匪形萬劫以來天與淨
九州之內地稱靈仲春月值景方幾十五年過蹕重去聲

停為憶前巡掖

輦處措詞無緒意冥冥

試看欄外東流水恰似甬中一片天
魏躋吳顓同是戲
風聲月色自為仙
鏡呈上下照終古
樓貯圖書始近年
前歲賜古今圖書集成一部於金山行宮
嵯臣建閣以弄并請扁額名之曰文宗閣
並御書江山永秀額賜之
翻笑開函難遍讀
無邊景物遞關連

觀濤樓作歌

觀水有術必觀濤
濤實為濶之大者
海固最鉅江次之較

於湖河更雄也層樓峙立俯石排盈川顚氣向東瀉習習微
風略鼓之潒淚奔騰難狀窩洞心駭目不可視萬變千奇幻
真假榜者於中若無事持心既定任上下叶古人於此亦有
言南人之舟北人馬須臾風定浪亦息適纔見者都無把

登金山塔頂四疊舊作韻

大江東望玉簪尖忽到拾登百級兼無地有天雙目豁
撫今思昔一心恬十餘五載景重閱四疊七年韻再添
拙速雖然遜響鉢亦非鬚斷數莖拈

自金山放舟至焦山五疊蘇軾韻

興情望幸酬深耽用是五舉巡江南金焦兩點矗波罩
何異前三與後三路便聊以駐信宿要因省方觀田蠶
繅華結絲稱祝頌何德被民增忤慙昨日浮玉憇山館
今朝順流漾江潭西以屋勝東樹勝敷葉吐葢春未酣
未酣之意勝酣矣即斯三勝誰能談侵尋譙亦有建置
莊嚴定慧

寺名康熙二年
賜額

輝珠龕那更峯頂事點綴譬

之食蔗窮其甘東坡艱韻忽五疊雖曰逸興寧非貪黃

頭桂檝候已久清賞既適歸亦堪佳處無須重繫戀倩
閒雲為封巖菴

清寄堂

書堂古寺側清寄向曾顏一十六年別青春片刻間吟
安松竹裏瞬息昔今間俯視東流水何嘗有往還

竹樓

竹樓此日復相過覺比前遭鳳尾婆背念王家記中語
灑然高致恐輸他

海門菴

東向江連大海溶九泥那得此門封扶桑曉日紅雲湧
泰岱何殊日觀峯

遊焦山作歌三疊舊作韻

既是名山那無屋譬人益背必有腹頭陀應弟焦先兄
如氣相求相應聲東西雙峯秀拔水在此曰此彼曰彼
其實一脈地根連何有於行暨夫止知之而復云來遊
斯則隣非弗隣是春和日麗正良辰山僧速客意甚勤

輕輿減從試攬勝不教緹騎填紘紘羅漢巖傍得入路
瘞鶴崖畔尋遺文棧道步步入叢雲青玉島俯江波氤
由東而南漸夷曠僧菴民舍相區分周覽原未消半日
迴舟兩岸景吐吞江天一色遠莫辨斷續鐘聲時尚聞

甘露寺再用張祐韻

古寺枕江岸上方絕世埃春能醒物睡佛已識予來徒
和張祐家句那尋李德裕氏臺浮雲為去聲攬景歸岫一時

開

算山口號

產澤蒜因訛算山

山多澤蒜遂訛為周瑜計莫曹操處見地理志

宣誠赤壁近

斯間沈沙鐵戟全消泯月色江聲終古間

平風靜浪歌

風以浪為用浪以風為鼓風平浪靜宜浪靜風平觀

一解

我泛揚子亦數度無不平靜邀

神祐百神受職總

天恩敬

天感

神銘心所

二解

昨日微雨今日晴焦山速客亦已誠往來

畫舫大江渡何異太液與昆明

三解

浪自靜風自平巽二

坎六息應聲布帆弗掛寂五兩軋軋雙檣乘波鳴

四解

中

流攬景猶餘事心恬因亦理解生大之無極而太極雖

互為根靜肇成次之物來而順應為順應者自靜呈

五解

觀水雖有術觀瀾亦末矣不如寥天一無動契其始告

彼抽秘騁妍者曷澄其末返而求諸六經旨

六解

於金山烹龍井雨前茶得句

一月前期太趨程

甫過春分三日

聶家詩句繾民情中冷第一

泉猶近便試新旗子細烹

貢茶祇為

去聲

太求先品以新稱味未全

茶以清香為妙太新則味未全

也為學因思在精熟大都欲速戒應然

稍憐鷹爪未舒全絕勝江山絕勝泉此去惠山幸鑪在

惜他四卷付雲烟

竹鑪圍四卷俱燬於火惟竹鑪幸存

龍井還餘廿日期到時應是味全時溪亭定合茗甌試

昔歲今春不忍思

策馬過鎮江府

艤舟策馬過毘陵為便就瞻卻輦乘那禁笑呼任前後
頻詢疾苦切憐矜省方首在官方飭籌治惟於民治徵
感宜易言弗致畏不嫌雜選為相應

潤州道中詠古

鑄劍坑

歐冶猶傳鑄劍坑入長持短逞豪英夫差勾踐久塵土

却共純鈎留假名

京峴山

京山居左峴山右同與潤州作鎮屏誰與一之莫可考
叅軍詩已未曾評

讀書臺

亡命設如果在吳何遭王允屈而誅因知記載家為說
半或得真半亦誣

千里湖

吳中洛下隔千里涼動秋風忽憶湖詎為萼羹饕口腹
超然致與世人殊

石墨池

書符曾說費長房石墨池猶竒驗償審有千年濟人術
長房今却往何方

華陽館

或稱弘景隱而去或說昭明向所居千載下論千載上
更無杞宋那徵諸

登城霞閣三疊舊作韻二首

駐舸教依岸鳴鞭爰度衙
詎寧事掃灑却覺過勤劬
層

閣知臨水三分緬昔圖

閣名爲董具昌題
俗謂之三義閣

未能便顧魏

無已且親吳世遠泯傳說
時巡競祝呼萬民僕我后代

匪後來蘇

涿鹿近經郡樓桑尚有衙
建興真不肖諸葛惜虛劬
川水仍常鏡城霞遠入圖
耕桑殊盛昔文物向稱吳
窓屢畧閒凭墨娥可便呼
八章酬八韻疊做聚星蘇

黃河至清浦

黃河至清浦

薩載連日奏報黃河水勢加長今復據奏十八日徐城誌格長水一丈一尺餘山安

廳東報雲梯關長水四尺九寸溜勢湍急全黃已復故道直達歸海等語是黃水已過清黃文匯處所直赴海

門可為欣慰

斯為歸壑定雲梯關非遙交匯故道競河決逢

已屢勿久合龍併此番閱兩歲久為吾民病

儀封決口自四十三年七

月至今幾及兩歲屢屆壺成而毀向年堵築漫口從未有似此久者

宵旰冀功成發帑吾

弗吝

叶

重臣往經理竭力無餘勝引河大開寬始得溜

還正

此次漫工前後撥給部帑并兩淮鹽課銀五百六十萬兩并命大學士公阿桂前往經理近復將引

河大展寬深又接作挑水壩逼溜北趨始得黃水歸還
故道惟阿桂等慎重奏報尚未得合龍喜音仍未免關
心北望耳惟因慎其事未報合龍竟關心仍北望既慰益顯

敬

遊寄暢園再疊丁丑舊作韻

江表初看山勢鴻埠墩西放一舟通秦園蕭寺相鄰近
水閣雲窓小憩中視昔由今興堪托松聲泉韻畫慙工
傲斯早已成八景

于萬壽山左傲斯成八景名之曰惠山園

愧是卑稱大禹

宮

惠山寺四疊舊作韻

惠山依舊矗青螺層疊禪林護法羅一片赤心忘今到
幾莖白髮較前多慧枝演法高還下忍草當春婆復婆
禮佛而非佞佛者留詩最是好檀那

聽松菴竹爐煎茶四疊舊作韻

十六春秋別惠泉重來可不試烹煎閒情本擬泯一切
結習無端憶已前覆院仍看松半偃隔牆還見柳三眠
澆書恰喜供軟飽勝酒何妨也得全

出竇從來本體泉謂多事矣淪和煎底須僧倡頻提舊
惟愛民情越懇前辭阜闕予宵與盱鑒畊由彼食而眠
偷閒尋勝饒何者四疊還賡八韻全

補寫惠山寺聽松菴竹壚圖並成是什紀事

古寺竹壚四卷圖惜哉重潢遇僉夫

竹壚圖四卷一為王叔一為復齋一

為吳理其一則早失之命張宗蒼補圖者前人題跋頗多余每次南巡必賦咏疊韻而貯惠山寺聽松菴昨寺僧收藏勿慎致錦暉萬舊玉籤損折無錫縣知縣邱澹携至署中欲重裝值署西民居失火延燒四圖竟燬于火實可惜也
祝融尤物妬誠有六甲神威護則無降謫權教

寬吏議

圖既被燬巡撫楊魁布政司吳壇等自請交部議處並恭知縣因奏報情節未明遂令吳壇注

無錫縣署履勘失火情形並查訊被焚屬實因盡寬具議處然此事雖緣寺僧收奔不慎談縣重裝究亦失於

防護祇命罰銀二百兩給寺僧以償之

施檀應得償

去聲

僧雛惠山佳話寧

容闕首卷應先補寫吾

竹壚圖原卷雖燬而名流韻事未可闕如因先補寫首卷命皇

六子及弘昨董語分畫二三四卷并令補書前人題詠仍付聽松菴收奔流傳永為山寺佳話云

聽松菴竹壚烹茶戲成效白居易體

竹壚烹茗茗本是山僧事性海為清供不涉人間世侵尋成畫圖輾轉傳文字濫觴一至此大乖其本意豪致

與復還益覺其辭費我自辛未年製匣因精弄叶為之

補圖全

本四圖缺一曾命張宗蒼補之

為之賡吟繼茲閱十六載復詣

精藍地聽松菴好在竹壚亦安置獨惜四圖燬斯則

因俗吏

聽松菴所藏竹壚圖四卷上年十二月內為無錫縣知縣邱連携至縣署重裝致燬于火俗吏

所為煞風景事實可惜耳

孰境率難忘可不茶一試我既不解烹僧

亦難近厠旋顧左右間尚茶惟內侍茗椀捧以獻原來

早預脩誰論文武侯那識魚蟹沸是謂當官差非所論

逸致屈哉菴與壚孰謂逢此輩飄然亦自笑松下排

衙類

詠惠山竹壚

碩果居然隸几陳
豈無餘憾憶前賓
偶因竹鼎叅生滅
便拾松枝續火薪
為去聲爾四圍饒古幻
輸伊一概泯心真
知然而復拈吟者
應是未忘者箇人

惜張宗蒼補惠泉圖亦被燬因四疊舊韻

宗蒼曾寫惠山泉
五詠徒教四疊先
勿泥去聲隄繩繼其後
真教氣韻匹乎前
同遭回祿誠奇事
直示無常是正

詮不忍名藍絕佳話補之復補合應然

張宗蒼惠泉圖本以補闕茲來

四圖既煨不可使名藍佳話竟爾歇絕因御筆補寫第一圖而命皇六子永塔及都統弘旿侍郎董誥等補其

三碑仍存餘韻亦重

結一番翰墨緣也

汲惠泉烹竹壚歌四疊舊作韻

屢疊舊韻衆所聞可因難易作輟分即今竹壚凡五詠
然何曾契詩之羣黃墩遠望境如畫梁溪溯泛川絕塵
精藍雖演梵其梵惠山實具文而文禪枝護徑益古貌
慧草繞砌饒淨芬熾然人固有來在泊如佛豈論新陳

西廂聽松菴風悲默無語乃情如敦竹壚不任受烈火
乾枝細擘為精薪陸羽秘訣繼未學要當以靜不以紛
惠泉咫尺可用汲馳符調水詎足云漪瀾堂近聚星遠
歌體却效聚星權叶撫箋得句便言返勝處詎宜戀意
存溪路烟堤俱識舊老瞻幼仰如懷新人情為田吾所
篤林林者固懷中珍林林者固懷中珍呵避慢亟緹騎
人

王紱山亭文會疊已卯舊作韻

縱橫牽軸與雲紳勝處盍朋六七人印證恰披行篋畫
重看己卯仲之春

圓池

圓池圓中規恰似月之滿石洞在其上夏涼而冬暖

方池

方池方中矩本自圖灑出清冽遂不及惡居下流迷

暗竇

暗竇山根微見淙流成渠澗漸溶溶金人銘早著其義

杜漸防微莫懈恭

明亭

明亭曾不設窓櫺小立居然恰性靈無盡山泉仁知體
日呈色色與形形

直隸總督袁守侗奏報得雨詩以誌慰

京師報澤厘畿輔

王大臣等奏報京師于二月初三并初五等日得雨有燕齊連侍佳音報

之句今袁守侗奏初三并初五等日順天保定河間天津宣化遵化易州等府州所屬均得雨雪二三寸不等冬麥青蔥長發春麥漸次出土高粱粟穀乘時翻犁以待播種等語畿輔被澤果如期望惟差人賁摺故報到較遲耳

適以差人信到遲日合大都寸同被

直隸各府州所報得雨時日分寸與

京師同惟雨中兼雪則各屬氣候不同之故

雨零少異雪兼施春秋麥併拔

苗蔚粟穀種

上替

皆播隴滋手額為民慰以冀速收成慮

正長時

讀論語

泰伯章有曰民可使由之既而繼之云乃不可使知當
然所以然朱子分注斯復引程子說明不能使其化人
有不能聖教豈所宜用術非正道詎應出宣尼是義謂

未當而久心蓄疑程朱求弗得蓋強為之辭近從川路
行略得直解茲兩岸迎鑒民數乃無萬伊歡欣近瞻就
摩肩疊跡隨但御舟一過奔避如敗師渙然鳥獸散躡
藉相凌欺前見後來者厥角先紛披殊不曉其故細詢
乃悉今蓋緣地方吏先以曉諭馳謂御舟之後其舟即
宮闈爾民宜速避定當謹威儀此使知所致不如由彼
為曉百乃漏萬耶盡諭蚩蚩堯民順帝則兩忘知識竒
曰當曰所以帝豈有分施宗元郭橐傳此義或有窺

至蘇州策馬入城

安福艫維運水濱玉鞍徐控入城闔可知其切覲光衆
總是此衷保赤民少者壯而壯者老別因久故久因親
銀牌分賜諸耆艾自笑吾年亦七旬

凝懷堂三疊舊作韻

展義觀風俗勤民念食衣豫遊切休助言行慎樞機
宇體無逸瞻簷思入微

奎章揭道趣

三字萬年輝

阿桂等奏報儀封合龍工成詩以誌慰

決隄雖幸築時和

四十三年秋間儀封與時和驛先後決口乃時和驛漫口塞而復開者再

至十一月杪始得合龍而儀封新工復有墊陷遂至濡滯年餘

工滯儀封一歲過治水

江南宣手熟

儀封漫口後即命大學士高晉率詣習椿埽之將備李永吉等馳赴豫省董助堵築

屬薪山左運肩摩

儀封堵築漫口所需稽料較多恐本省採買不敷曾兩次諭令直隸山東

於附近豫省地方各購買稽料運往應用

幾成復變誠胡謂

儀封之十六堡屢築屢衝因復

議移於七堡築順黃壩入於王家莊展開引河以掣溜勢

西掣東穿竟若何幸以開

寬引大溜

上年十二月內阿桂等奏請將引河大加開展寬深又接作挑水壩逼溜北趨黃水始掣

入引河復歸故道金門合龍

乃能翕受復原河文埋徒憶酸棗叙武

作應同鈞子歌慰以為慙功奚有祇寬賠例廣恩波

此

漫口幾閱兩載始獲藏事合龍報到為慰復以為慙即任事大臣如阿桂等亦自不肯仰叨天功更遑甄

叙惟司員及司道知府等官非大臣可比仍令交部議叙至漫工糜費銀兩照例亦應著賠但此番辦事情形實非比前數次阿桂等悉心經理亦不遺餘力所有用過工料銀兩悉准奏銷毋庸議賠至決口究由平時防

護不慎所致因特諭阿桂查明河臣姚立德撫臣徐績任內所辦隄工歲修分別著落賠補以彰懲勸并宣示

中外令知辦理庶務一秉大公云

獅子林再疊舊作韻

山莊御苑雖圖貌

避暑山莊與御園均仿獅子林而數
典實自吳閭是同是異尚覺舊跡于

新耳黃氏俛家久繫心恰以金閭重蹕駐可忘清閼

清閼
閼在

獅子
林中

一言尋畧看似矣彼新構祇覺輸於此古林士午

攀成長卷在展聽松竹答清音

題虎邱雲巖寺

虎邱上復雲巖寺畧覺盡蛇與足添一切有為法如幻
六時無作笑何拈磬聲自迴落而下劍氣于今久亦潛

側有行齋供靜懋翻書聊當閱華嚴

靜觀齋

虎邱最自繁歌舞却見

堯年額靜觀我有還淳返樸責繹思

垂訓意遑安

含暉山館

山館重來懋忘言却似歸偶叅禪偈靜不異道心微庭
有松陰幕床無花雨霏最繁簫管處巖閣祇含輝

虎邱寺五疊蘇東坡韻

蘇城北平原拔地起崇嶺其磴五十三其澗通深井嶺
頂法王宮浮圖矗雄耿梵唱落雲間絲管真聒鼃虛傳
虎踞巔徒說劍飛礦盡信不如無論欲戒奇猛玉局同
此意安貼新詞騁用韻不妨險廢食豈因哽速茲五疊
之雖遜響鉢頃拙速頗亦成足遣清興冷仰蘇樓咫尺
致我羣思永旋蹕循山塘歷歷觀民景鐘聲漸以遠鉞興
餘塔影顧問扈駕臣可誤奏章請

遊支硎山再疊丁丑舊作韻

未改山腰石脚泉支公別却十餘年可知無住光陰幻
便是有為清淨禪大似翻經叅半滿不殊懸鏡泯中邊
既然一切應無礙底事迴思復愴然

支公菴

支硎山復經蕭寺松韻泉聲總快情却笑上人稱善適
至今仍未適其名

題寒山別墅

支公菴甫過別墅面前看滴翠圍橫嶺濺銀落漱湍向

知有行館便可想遊鞍偶憶宦光事寒山未甚寒

朱彝尊明

詩綠趙宦光字几夫吳人饒于財卜築城西寒山之麓
陶洗泥沙俾山骨罕露高下衆流凡遊于吳者靡不造
虛談然廣為樂方云云雖山以寒名而梯巖架壑構築
精雅甚且廣結交遊絕不類寒士所為知非陶淵明輩
之真
隱也

綠雲樓

支硎小嶺過非遙別墅寒山近若招遂進墻門尋曲徑
便登樓級凭虛寮綠雲題額橫松棟繡野連塍豎麥苗

嫌彼亭臺增點綴無過走馬看中消

飛魚峽三疊前韻

溪魚異於海那有翅飛然

海中魚有翅能飛江湖之魚即不能飛况溪魚乎訝

此胡名峽豈其遂奮天設如燒尾喻益遠曝顯仙觸景
聊成詠猶慙四十賢

馳煙驛戲題

稚圭文孰移於趙我此省方非隱淪老尹却云看山似

凡遊覽所至不過畧觀大意尹雖善曾比之馳驛看山言雖近戲頗合余寓意而不留意之旨憶其語

亦憶其人

對瀑三疊前韻

山為道人骨瀑即地仙髓小對兩相忘無物可持洗

題澄懷堂

懷蘊方寸間澄或資乎境內外似倒置斯可喻而省譬
之鏡設前弗對安知影影現緣對者則仍在已領別墅
固明秀數歲空孤景而覓懷不得乃因澄以靜欲遂忘
言詮物物任平等

清暉樓

一泓池水碧而清
圓映山暉漾影明
解與層樓湊詩趣
無勞響鉢亦詩成

寒山千尺雪四疊舊作韻

一十五載別寒山
重廵依舊臨山泉
泉聲山色本如是
以何為委何為源
澄懷胥可會理趣
觸目無非契道詮
適來別墅寒山暫遊
憩輕輿遂命曲徑緣
至閣坐而聽昔
雪六花落峽為潭淵
聲非聲亦色非色
但欣濕潤蒸巖

巒曲注肖之塞上塞雄流圖以田盤田西苑畧葦勝朝

蹟而皆視此鼻祖然

向于熱河盤山並西苑仿照寒山為千尺雪復于盤山自寫千尺雪


圖而今張宗蒼寫寒山董邦達寫西苑錢維城寫熱河各為一圖四卷合裝分貯四處要以此為鼻祖云四

圖分弃于四處興存得一函三間

聽雪閣四疊舊作韻

雪落千尺高其源本礪底斯乃假名象取譬言之耳六
冀那計尺實固勝幻美實雪有時罷幻雪無時止又似
幻勝實試看憑而喜因悟一切說矣穀艱窮始巖泉付

不知如是涼而已



御製詩四集卷六十九

欽定四庫全書

集部

御製詩四集卷

七十至
七十二

編修臣
初喬齡覆校

總校官編修臣
程嘉謨

錄定四庫全書

御製詩四集卷七十

古今體六十九首

庚子六月

五依

皇祖華山詩韻

更入向西路春山幾疊深
新題選竹刻舊詠被苔侵
寺鮮參禪侶庭來聽法禽
雖云騁遊目隨處仰

堯禔

靈巖寺西入石路仍用唐劉長卿韻

春氣南方早芳郊滿綠苔靈巖復此至五律憶前回兩

度胥成錯

向詠東省靈巖寺西入石路詩每用劉長卿韻乙酉于此亦借用之後知長卿詩乃為道

林蘇山寺作在湖南境內已於丙申東省靈巖寺詩中考正茲因疊乙酉詩韻並識之於此知山東及江南所

用侍誤也

一時斯儻來借題供興遣撫景信懷開梅朶迎人

笑松根抱石栽臨湖原有榭小坐試茶杯

駐蹕靈巖四疊舊作韻

十六春秋一瞬中靈巖重駐昔行宮辦香梵宇先瞻謁

步輦雲衢西轉通古樹護門到春綠閒花繞砌暎曦紅
晚來書室消清暇鐘韻悠揚恰在東

臨湖榭

向南山榭曰臨湖幾餘坐可眇具區具區雖遠見不遠
意之到豈到之殊東西洞庭峙萬劫洞天奇語多半詎
香水溪實在眼底越來由此曾傾吳撫景弔古遣清暇

亦云逸興遄飛俱何來圖近新築葺

此次南巡屢諭該督撫行宮名勝一

切照舊勿稍踵事增華而楊魁乃於西蹟山程園中點綴數字以圖近觀太湖成事不說撫景祇覺增慚耳

成事不說徒慙吾成事不說徒慙吾弗此欣夫轉懼夫

靈巖雜詠五疊沈德潛韻

昔憐德潛老驟用緣鼓舞誰知引宮牆巧乃於糞土

德潛

年六十餘始得第憐其晚遇選入翰林屢擢至禮部侍郎加尚書銜以示鼓勵及予告歸里仍准食俸於詞臣中受恩最深德潛宜如何感恩守分乃惟利是圖甚且為逆犯徐述夔作詩序使其身尚在是當明寘典刑得逃法網實其倖耳

述夔實亂民為序托李杜生當正以法幸其

人成古

右館娃宮

不以人廢言其詩實斐然茲復至靈巖成詠聊記年仍
五疊原韻水遇渠必浚琴臺接館娃絕響誰欲眠

右琴臺

石洞山半腰那可構廊敞而曰有屨音捕風率傳響潛
既訛以訛余亦莽其莽拙速足成篇未可無言往

右響屨廊

雜詠第四章高閣吟涵空茲實有層宇拾級披清風是
耶亦非耶名象混魚龍五百年之後將復傳離宮

右涵空閣

左日而右月一例於山頂誰與分甘澀

蘇州府志載山有二井謂之日

池月池相傳右甘而左澀試之殊不覺然

無過虛捉影中冷固勝此無勞試

修綆即今吳宮非餘此不改井

右吳王井

凜然一泓水颯爾萬古冷誰名曰研池虛印青天青吳王聲色徒那解溪藤橫日夕悅越姬越兵來不驚

右研池

吳宮多芳草，楊風而浥露。羣姬日采香，勞勞玉腕素。以供夷光用，椒蘭焚曉霧。旋起絲管聲，響送西春暮。

右采香選

德潛詠翫花意在悅山谷，惜其幸晚達而反不知足。每

為諛墓文，不辨涇渭，涿仆碑非魏徵。

德潛因徐述夔逆詞，案發廷臣僉議

應削奪階，街祠諡並仆墓碑，以為衆戒。因從之。此實德潛忘良負恩，所自取非若魏徵為媚者毀短言徵錄前。後諫爭語示史官。唐太宗滋不悅仆所為碑者，所可此也。 疢行無能浴。

右翫花池

宮窿山上真觀疊乙酉舊作韻

古觀崇椒奉玉真
蕭臺重仰鬱羅親
求仙那問乘六氣
祈歲惟殷撫五辰
偶爾小遊出塵地
已教久候覲光民
鳴鞭吟興知誰引
鄧尉非遙即右隣

過拈花寺不入寄題

上真遙邈近拈花
釋道源流差不差
何必其間叅到點
到即不點點即到
不到出指月錄
緣遊鄧尉日將斜

鄧尉山恭依

皇祖松風水月額三疊舊作韻

弁裏有三友稱兄定是松依然隣弟季肅若緬

題重惟是含香淡不防取蔭濃漫云別之久來往每於
胸

右松

四字額垂古五言韻疊風仲春雪霏白初日海升紅習
習悠揚遞恢恢境界融即斯

標至道何必訪崆峒

右風

青青鄧尉山白白太湖水山固如大庾水豈讓西子寫
韻瀾漪間弄影鏡光裏

宸章不言梅括盡梅之旨

右水

問梅何所宜不水則於月浮動漫重儻孤高信超越印
處玉是姿照得水為骨

奎畫朗千秋春芳亦無歇

右月

鄧尉香雪海歌四疊舊作韻

閱十五載久別吾即今重遊恍似初山陽山陰各執見
圖經誌乘多增誣大地豈不在海中豈繫一邱一壑之
卷舒辛未祇偶山陽到丁丑山陰始識摸爭奇並秀都
具妙此後每並清蹕紆至理村名光福里名歷次第黃童白
叟紛迎途覲光雖恆衆所願麥田猶惜澗競趨漠漠一
片連南北分疏不可味之則有餘梅事實足稱觀止長

歌四疊供清娛何來有稱遠太湖西蹟更闢山蹊殊

楊魁

秦進西蹟山程園圖在鄧尉西北山蹊窈曲泉石殊勝且南去太湖不百步可以近供眺覽乃于其地復構數宇實覺理事增華而結構已成若不一至又未免孤其誠意亦成事不說耳 石泉梅塢精點

景欲與鄧尉較勝輸雙目之賞何多需心知此舉誠為

踈擬遂迴輿拚弗到又憐作者誠意孤增華踵事可長

此後言寧免云巡吳後言寧免云巡吳攜詞先用自訟

夫

遊西蹟程園紀事成詠

鄧尉復西去蓋行十餘里西蹟山在焉程氏園居彼志

云無多景潭西差勝耳

見一說志

大吏修葺之供攬太湖水

事成乃弗說一涉聊為此高下度小嶺溪村凡經幾到

亦未逾時坐亦未移晷屋雖謝丹雘石乃多砌壘其松

非古遺其梅或新徙獨是太湖近憑欄觀足底白浮及

漫山釘餌如置几何殊靈巖山臨湖榭

在靈巖行宮內

所視輕

輿遂言旋舛出時逾已舁者覺過勞彼亦人之子易馬

按轡行七十猶能爾過午還靈巖咨政戒怠弛誠馳驛

觀山靈巖至程園往返八十餘里中途易馬還行館時已過午向尹繼善以馳驛觀山為比蓋以余遊覽所至憩不逾時於寓意而不留意之旨誠有合耳倍由旬弗止顧謂大吏云可

一再斯否園應還故主吾弗更去矣

遊高義園

駐蹕靈巖有餘暇園遊高義去非賒溪村處處聞流水春樹微微見落花逕路不殊昔年至景光恰值一時嘉

門前連理荆有在

園外荆樹二本百餘年物數十年前始交合成連理范氏裔孫大同守瑤

刻連理荆三字於樹田氏遺芳到范家

法螺寺

甫別高義園言瞻法螺寺山路不十里遂造精微地何
以識精微水明山復翠梵宇據深窈樸鮮莊嚴事風旛
標法音雲峰矗螺髻左廂試展步微嫌飾點綴徒增淨
域景未識如來意

再題綠雲樓疊丁丑舊作韻

靈巖清曉降山陰高義法螺次第尋路便寒山寧可置
春佳別墅得教臨千畦麥向綠中望七字詩從雲外吟

陡憶當年掖

輦處悵然難措此時心

文廟

文廟吳中古來瞻致仰欽胡為觀像設或可擬尸臨省

文廟俱奉神位而吳中府學設像制雖非古然較之周人以子弟為尸而父兄跪拜其下若尸年重稚則慮驚悸失儀如年及髫髻已有知識必且居之不安轉不若像設之妥神也秦漢後不行此制或職是故余嘗疑周人用尸事因瞻謁吳乙酉別成昔七旬重謁今敬中

思不踰矩勅

命敢從心

過紫陽書院

書院以明學亦欲真材鑄況名曰紫陽晦翁教應溯寧
徒詞藻貴甚之情面付德潛昔掌此或尚工章句而其

實行卑沒後乃敗露

德潛歸里為紫陽書院掌教雖詩文尚工而品行實卑後為徐述夔

作詩序允廷臣議削奪爵謚向年書院題句勗以努力貴修未免失之假借耳則我向所譽亦

失假借處知人信難哉於予改是懼

題滄浪亭

蘇城盤門側向有滄浪亭翠邏雖假山而其水誠清結
構樸而雅頗具溪壑情云倘來往官於此為送迎我昔
曾一涉託意吟濯纓乙酉戲題此有不知誰是濯纓人之句即今興復別
六計廉胥程治官應此亟惟廉清乃成寄語遊斯者勉
實善副名

即事

於蘇州
行宮作

吳下艱逢十日晴決旬間霽悅與情人言巡狩符嘉兆
我慮田疇悞早耕大吏都稱慶時若

吳城二月下旬未
雨詢之大吏均稱

本年春雪盈尺雖以雨水兼之日內早露沾潤農田並未缺雨等語然經旬晴霽未免厓念早耕耳深懷惟是念民生遊山玩景其餘事示意因之七字成

聽言

聽言豈易哉能聽貴能斷昨以築河隄踰年工未辦而

每敗垂成洪流益汗漫因命德成往

上年十二月初儀封漫口又逮合龍

而潰因久未藏工德成尚畧曉工程作法召見指示機宜令賈圖前往詢阿桂等并賜花翎原望其竭力贊襄成事豈意其因與阿桂不合挾私自用一到即欲見長翻案因即召回庶幾竭力贊一到

即欲速欲見長翻案召回息其事面陳仍巧辯

德成回京面奏

復肆巧辯請仍于十六堡漫口築順水壩一道逼溜過口門數十丈歸入舊引河等語彼時以十六堡自高晉袁守侗等堵築五次未能合龍阿桂等始不得已酌移上游乃德成復欲於決口施工其執膠斷不可行況德成辦事遠不及阿桂并亦不如袁守侗陳輝祖其到工時日久漸又甚懸殊豈肯因伊一人巧辯輕議更張遂決意不從其請革去前賜花翎并令軍機大臣存記俟阿桂引河辦成後再降諭旨

阿桂與德成

二人優劣判守侗

袁

及輝祖

陳

亦過彼

謂德成

以半況三

者閱久豈遜一人算大工已逮成更張益增亂決意斥

其言拒諫吾弗憚然彼究因公寬之待功莫即今河已

復缺隄亦完繕提險敗事徒吏議詎宜追

阿桂奏二月十一日金門

斷流二十日銀壓堅實河工告成是前此幸斥德成浮
議得以成功合龍德成之扶私曉瀆擬險敗事罪實應
得究以事出因公僅交部議處蓋欲
以廣進言之路而聽言者亦良難矣
為君實難乎一端
識非謾

入浙江境

一水無須更換舟却看兩省各分隄南為迎者非為送
養俾欲分給俾求老幼依然非越俗桑麻櫛若較蘇稠
來巡要務此疆切正在海塘固永謀

清明

有時雲佈有時晴繪出清明活景呈綠柳紅桃隨處見

黃童白叟接疆迎

是日入浙江境

僕人禁彼羣沽酒

謂從行僕役

村

舍由他各賣餽民物熙春真足慰益殷懷保勵吾誠

駐浙江水營

江南水營屋三間已謂不當心踏踰

江南沿連水營構屋三楹以備召對

已謂煩費浙省則屋宇倍增且點綴亭臺花木前此未曾預戒益覺不安耳

浙江水營倍過

之點綴亭臺及花木爭強長此竟安窮今駐明發祇一

宿未曾預戒吾之過實不思及此預督將求吾喜喜何

曾益覺怵怵憎鞠恧

雨

二月三十日

十日晴和畧塵念

見近作即事詩恐于南方不宜也

油雲忽落雨絲稠

恰宜佳節過寒食況是川塗駐綵舟不疾不徐利麴麥
既優既渥潤田疇一端更有怡神者明日應臨烟雨樓
降旨免浙省地丁漕米積欠詩以誌事

施惠應於始入疆未完積欠合寬償較之江省數為少
浙省歸安等縣未完地丁漕白各款銀五萬三千九百
餘兩而米四千七百餘石仁和等縣民借穀一萬八千

餘石均加恩一并豁免以紓民力然較之江省銀米自
共豁免百二十餘萬多寡懸殊浙省民俗較良矣

是浙民俗尚良概與逋除資樂利俾其耕鑿冀豐穰即
看時雨時暘景合共熙黎沐吉祥

題烟雨樓

祇疑瀛泛到雲來鏡裏樓臺熟路開四面波光烟雨意
無邊春景詠吟材今斯今也昔斯昔柳尚柳今梅尚梅
一讀錢家書趙句

樓中有錢陳羣書趙孟頫耕織圖詩屏

愴然弗忍更徘徊

徊

遊烟雨樓與梁國治董誥聯句再疊前韻作

御製所責省方者休民與察吏間亦涉吟詠

斯復經品第湖平鑑澄心樓迥納遠致放舟帆桂

蒲

臣梁國治

御製理楫棠集芟餘事問花柳正務課雨霽遺蹟緬元璋

連疆記吳地

嘉興今雖屬浙江唐以前則吳地也

摘詞座無譁授簡席欲避藐爾慚蚓竅

臣董誥

御製依然答松吹莊

有恭

續舊韻賡錢

陳羣

憶西清肄嗟均作

古人

慰適豁久翳

四巡昔未扈再疊今初伺

前此四次皆未得

聖駕南巡臣扈從茲初與

句不勝榮幸

體遜藍本藍

臣梁國治

御製攬鮮翠微翠

烟雨樓四面遠近俱無山

魚躍帶波活鳶飛齊雲遂

雄堞郡城望

蠶泊村舍暨暇仍

詢倪鋤

憩畧駐義轡衆合萬億迎

臣董誥

御製年越十六繼

自乙酉南巡至今庚子凡十六年

對時延新景聯句循

故事便與迴舟泛

信得

觀風利

瀾漕普實惠

上復降旨普免各省漕糧一次江浙爲巡蹕所經首議及之

登豐

驗上瑞

浙江昨歲收成甚豐

詎惟拜颺榮

臣梁國治

御製

勉守勸示意夙懷酬閔堤深情屋祈歲歌舞漫紛陳

夏諺非茲義

於烟雨樓寫景即題其上

宿雨已收際曉雲未泮時斯樓合斯景宜畫復宜詩梅
謝砌餘片柳眠簷胷絳傳神縱非米那可忽過之

晴

江國常宜雨雨霑亦藉晴潤暄既時若高下普資生破
曉雲猶重過辰曦放晶不無潯緯路何礙暑遲行

謁

海神廟瞻禮再疊舊作韻

開十六年重巡狩虔瞻

廟貌潔裡脩況逢坍北方南漲益切竭誠仰籲

庥適地耕桑艱讓水禦潮堤堰願安秋

御碑拱讀增欽慕一例勤民不解愁

駐蹕安瀾園再疊前韻六首

觀海較前異石塘貼近瀾州臨因繫枋城入更乘鞍熟
路原相識名園頗覺寬就瞻任民便雷動夾塗歡

沙埧逮北邊數歲為心懸

塘外漲沙南北埧漲靡常北漲則塘工輩因壬午閏視簾

誌情形命撫臣每月勘驗具圖奏報自壬辰春以來沙痕漸覺北埧實為屢念不置

到此蒿增目

慙其言湧泉急籌塘與堰懶聰管和絃對景惟惕息擣

詞那復妍

安瀾易舊名

舊名隅園

重駐蹕之清御苑近傳蹟

園明園曾仿此為之

即以安瀾名之并有記

海疆遙繫情來觀自親切指示慙

去聲分明

行水緬神禹惟云盡我誠

石逕雖詰曲步來那用尋無花不具野有竹與之深礀

戶開生面泉紳振舊音

御書樓好在

垂露護韋鍼

溪上三間閣棲遲似昔年非圖燕寢適頗覺塵塵捐老
枯詩中畫古梅靜裏娟別來十六載可不意為延

拂岸柳絲柔出簷竹个脩重來亦儻耳昔事憶從頭南

北漲坍屢

自乾隆戊寅後潮勢漸趨北廣恃魚鱗大石塘及坦水竹絡繹為之聲護丁丑南巡時值南

坍北漲大溜已向南已卯以後潮復趨北壬午乙酉兩經親閱溜勢或南或北遷改不常隨時指示大吏添用

欽定四庫全書

卷七十

坦水竹簾防蕩
並有詩紀事

愁欣詩句留

北漲則為之欣
則為之愁亦經屢矣

即今值

愁際那得慳情遊

觀潮四首疊乙酉韻

穹塔依然峙迴臺十餘年別此重來海潮欲問似神者

幾度東西茲往迴

雷鼓雲車聲應隨自宜神物式憑斯設非之二人司是

乙酉詩云伍胥文種誠司是之二人前更屬誰見雖高而語似慢其後北圻南漲至今潮勢乃逼近石塘意甚

悔之故反前句意

如是雄威更合誰

石塘上畧肩輿駐報道未時潮不差

是日潮以未時至

枚客賦

成擬閣筆周郎宿寄喚推車

流光瞥眼誠云速潮信茲來試攬仍審至奇中至靜在一時得句興堪乘

登尖山觀海

尖山更在塔山北潮所弗到勢猶遠以之觀海斯則近

鐵板沙護東成堰

尖山北至乍浦一帶向無塘堰因其地係鐵板沙不畏潮勢冲齧無庸防

護山頂舊有大士宮竭誠瞻禮登雲棧所祝安瀾佑萬民

寧圖玩景供遊眼亭臺點綴夫何為憫然為之意不滿

視塔山誌事再疊舊韻

塔山塘入江竹簍以為翼壬午視之次沙漲畧弗逼乙

酉詩誌幸其後勢漸急茲閱三層簍一層已露立

壬午閱視

塔山壩工有竹簍貯石下護壩基其時沙漲掩簍四尺許遂命立標以驗增漲尺寸諭撫臣按月繪圖奏報乙酉臨閱沙漲增至五尺衆皆欣頌但坍漲靡常實不敢即以為慰並有詩紀事茲復親臨相視不但所增之五尺漲沙盡坍且三層竹簍之上層已經顯露因竹簍年久朽敝撫諸臣另籌換砌於保護雖屬有益然切望漲沙之漸增長耳其何禦三秋不啻減五尺前巡所慶幸茲番頃

變易扼腕民之艱撫膺吾之責於無可如何敢不籌詳
悉欲圖安墊居遑吞增輦石補偏救弊耳愧無永逸策

閱海塘三疊舊作韻

乙酉潮頭纔逼塘退潮沙尚護塘良

乙酉臨閱時潮頭雖漸有趨北之勢

而潮退後塘外漲沙較士午所閱標誌頗覺增長然亦未敢以為慰也

即今埤盡一江水

切已愁厓萬井桑何日中疊復故道爾時合郡祝同慶
神祠咫尺申瞻拜祈

佑不遑慙不遑

賜隨營諸臣及浙省大小吏食即席得句

觀海尖山返良辰上巳臨

是日三月初三

列茵聊食賜曲水異

觴斟韶景不孤節輕陰欲作霖能詩者賡韻詎必襲華林

題蔡襄茶錄真蹟

君謨茶錄重書定

襄自紀皇祐中奏事仁宗問建安貢茶并試茶狀因造茶錄二篇上進後

治平中復加正定書之於石云云至謂草木之微處之得地則能盡其材即小見大庶幾頌不忘規之意呈

覽因之仍賜回頌不忘規應著眼處之得地盡其材

即敘

中語

駐陳氏安瀾園陳善慶以此卷進念為陳氏世傳墨寶因還之并題句以識一時佳話

命老鹽倉上下相地仍建石塘詩以誌事

壬午視海塘長言曾誌事爾時雖北坍塘外尚沙地未若此時甚水竟塘根至老鹽倉一帶惟賴柴塘峙向亦

經親臨下樁目所視沙散弗蓄樁條石艱鱗砌

海寧恃塘工為

屏蔽嗣因潮近石塘復接石為柴塘然柴不如石之完固壬午親臨老鹽倉一帶擬易以石試下木樁苦沙活

不能鑿橋難于砌石其柴塘向內數十丈似可下橋又皆民田弗忍毀棄因罷石塘之議移內又弗

可遂罷石塘議茲來細周閱未可前言必柴塘四千

丈豈盡活沙寄不無受橋處石塘終可恃

石塘迤上柴塘四千二百

餘丈未必概係活沙難以受橋因復飭該督撫派委誠妥大員據實逐段勘估凡柴塘可以改建石塘之處悉令易石毋惜工費俾濱海羣黎永享安恬之福申命重相去聲勘莫慮國帑費庶

幾永安瀾為民籲

天庀

至杭州即事成什

夜雨優霑曉猶密輕輿發駕指杭城石塘且不十分渾
己刻漸看四字晴連攏青蔥二麥潤夾途歡喜萬民迎
行宮到絕間

安事

向每南巡至石門即奉
乙酉自海寧勘塘至杭間

聖母安舟先至杭州
安尚有鹽官先往

為壽塘舊路
韶光如昔而承

安舟奉
壽康之句今
款不再撫景彌覺悵然

倪首無言

自悵情

恭依

皇祖巡幸杭州詩五疊韻

要務海塘求永安鹽官紆駕歷親觀長堤保固相籌策
治省言旋此駐鑾俗謂從奢寧尚儉政知用猛莫如寬
依然

溫清前巡處祇助悲懷那助歡

丁丑詩有應博
慈顏一笑歡之句

韻玉館疊乙酉詩韻

韻為君子致節是丈夫強春暮葉猶密月虛影共長別
來十餘歲披得滿懷涼更愛清風拂泠泠奏八琅

登吳山攬古作歌

我來餘杭駐郡城吳山城中必一登到江吳地盡南界
予胥蹟古訛堪徵入門石磴拾百級梵宮仙院羅峻嶒
大都唐宋舊殿宇頽廢今屬道與僧可笑最宋南遷後
一德之閣猶傳名奸相更希非分去聲福孱君難託殷宗
稱坐視中原不復顧朝歡暮樂山水清近輯四庫益恣
故撫卷為之感慨生攬景詎因暢吟興殷鑒不遠凜持
盈

五依

皇祖吳山詩韻

左俯閭閻右挹湖觀民咸欲躋亨衢海陵勒馬誠幸甚
忘却中原有別圖

題瑞石洞

山以石為骨洞則山之心搜土石常現披石洞易尋玲
瓏礎礪間體立用自惜曰瑞誰所名想有會意深豈其
飾言祥徒供玩景臨而景亦奇絕蔥菁護林岑憶我丁
丑來把筆為勦吟屢來屢殊趣悟理則斯今

飛來石

飛來峯自梵僧識飛來石又誰所稱拳峙乍覩無異至
東西相嚮爭崢嶸一之為甚豈可再此難弟彼亦難兄
既飛來斯有來處試問來處為何名

紫陽洞

紫陽書院紫陽洞

紫陽山下瑞石洞俗又呼紫陽洞康熙年間於其下建紫陽書院則因朱

子以名之也雍正年間復因紫陽真人所居為立祠蓋總以山得名耳

一地居然得兩名

為道為儒趨各異山何曾與辯分明

觀潮樓疊乙酉詩韻

南埤與北漲，幻若谷和陵。江尚岸之近，樓如舫以乘。暢懷忘景問，塵念在欄憑。遙指中壘陸，通流何日能。

閩水操誌事

候潮門外觀潮樓，閩省水師備閱視。列營佈陣誠合宜，槍風施銃皆精技。履水如履平地安，爬桅似爬牆梯倚。撤揆騰掉逞雄強，以此臨敵誰能抵。己丑征緬因選精，已丑出征緬甸。因福建水師嫻於駕駛，攻擊乃令提督葉相德選派二千人統領赴滇聽候調遣。意謂

目無全敵矣及至臨陣乃不然聞敵礮響先驚死盡欲

泗水遠遁逃反累我師救而止

福建水師徒有其名而臨陣殊怯是年冬何思

哈乘舟率健銳營兵及福建水兵攻賊遇賊人抵禦乃
福建兵一間鎗響即欲泗水遠遁轉賴健銳營兵管押
救護可見師回重處示創懲今茲水兵仍昔彼不過演
全無實用

習為美觀譬之戲場一劇耳水師本意豈其然節鎮待

前應悉此笑謂江寧將軍云汝水師更遜劇擬

近於金山觀鎮

江水師較福建水師更速不及矣

賜大學士仍管浙閩總督三寶

海疆浙閩重幕府簡猶難必也知大體寧惟期小安暴
除艱廢猛衆得允於寬節相權資理徐歸黃閣端

賜浙江巡撫王亶望

海塘正南漲柴石費經營既弗差徭橫

去聲

還資工作成

安民先察吏用智務敦誠勗爾無多語直須繼父聲

王亶

望父王師曾任浙江

江蘇撫藩頗著賢聲

賜浙江學政彭元瑞

江右兩名士

彭元瑞與蔣士銓皆江西人同舉進士入翰林有文名而元瑞擢用至侍郎乃因奉

職恪勤亦練達政務
非僅以詞翰受知也

汝今為貳卿是因敦實行

去聲

非特

取虛聲司此盛文處要當明道衡學脩民自化匪所重

詞英

題毛奇齡三詰三誤辨

神州書覽共咨詢

見奇齡序語

三誤因之三詰頻浙水幾曾

合浩瀚吳山未改聳嶙峋

奇齡以舊志云錢塘故城在靈隱山下為非援引載籍以

駁正之是也其考訂亦極博洽但江與西湖中有山以隔之自南屏至吳山一帶連岡不斷天然限制不能相通若謂在吳山之東湖又無可通江之路山勢聳峙千古不改此不待辨而自明者奇齡尚不免費辭矣迤

東信藉塘堰固無地安能畚缶循

奇齡又以舊志謂錢塘無地而有水為非

亦駁正之誠是今據吳山考之則江湖必不能相通而錢塘城必不在靈隱山下安得有無地之說且果江與湖通為一片則當時築塘又何以施畚缶乎

千古湖山自不易奇齡還覺費

詞真

題梅石碑用乙酉倣孫杖藍瑛畫韻

藍石孫梅合作碑曾經考證倣圖之

向以梅石皆藍瑛所繪乙酉南巡復

撫視之梅乃孫杖畫而石則藍瑛畫二人合作也因其舊碑漫漶特為撫倣成幅考訂而題詩以識之即命泐

石于舊碑之旁用備數典

有疑質乃徒來慣大畧觀其夫豈為

梁清標有

觀其大畧圖章每於落落一拳猶古貌英英幾朵亦春

所藏卷軸內用之
姿笑他四柱新亭覆先我来茲爾許時

有司因余御臨之碑建亭以獲

而孫藍舊碑亦得邀覆花云

御製詩四集卷七十

欽定四庫全書

御製詩四集卷七十一

古今體八十三首

庚子七

閱武

祖制真垂遠杭州駐八旗

鴻猷惟慎矣武備可踈之既練仍應閱雖安不忘去聲危

未曾御弧矢弓矢為我朝衛等較射習勞凡閱武必親御弧矢示衆

自壬午年臂痛雖馬射如故而罷步射者十餘年矣每追憶前事不覺悵然臂病久慙斯

昭慶寺

欲駐西湖蹕先從北岸游過堤門便入憶昔水同流如
是金仙禮無須貝帙搜閒窓五字詠靜室一茶留春到
松恒古風來竹亦秋前題石碑泐不忍更凝眸

慈慶喜恒
昭之句

大佛寺題句

黃龍洞及此皆鐫石佛像彼乃慧開修

南宋僧

此實思淨

翔

叶北宋僧

言蹟固已古面相直逾丈在此不在彼大佛

斯非典雖然經有云色見聲求枉則我茲所詠去道遠
霄壤

葛嶺

葛嶺向曾遠望之茲來親陟笑何為梯山架壑羅樓閣
傍竹依松奏管絃遺跡空傳蘇守詠仙踪那辨葛翁祠
殊吾觀海省方意弗為

去聲嘉斯實慚去聲斯

初陽臺

初陽臺據葛嶺巔海日升時可憑眺雲棧峻挺費攀登

四度來巡初未到

臺據高峻前四次南巡俱未躋陟茲大吏以便途為修治其事已成覽登

攬勝然實慙愧不當矣

即今斫莽窮丹梯肩輿曾不勞陟躋吸華

原鄙求仙術攜藻猶深責已思

參寥泉用宋韓澆韻

髯翁所名泉坐聽泉韻清爾時緬談禪有情還無情仍
此澄澄色不斷泠泠聲色聲胥幻緣名何足重輕不必
更言汲聊賞水木明即此寥天一吾更懷莊生

壽星院四景用蘇東坡韻

寒是竹聲籟拂靡碧是竹色粗輪圍髯翁曾此一憇息

綸巾還著鶴氅衣

此句藥括東坡語

色空與翁本無體爾時逸

興應遄飛而何有識前生事

西湖遊覽志載東坡守杭日入門即悟前身曾到歷

言院後殿閣及山石之名無一遺謬云蓋偶然遊戲妄語非實有其事也

是謂刻帖徒增

肥

右寒碧軒

試問靈山泉有無一杯宛爾覩茲夫由來度在汝邊耳

笑晉高僧尚見孟

右杯泉

止捨樂斯定觀離苦自寧語雖傳白業理亦契黃庭二

水

江湖遠近之景
登覽皆在目前

常分碧雙峯

南北

不斷青弗同蘇所悟

却似列之冷

右觀臺

玉局真稱箇裏人興酣吟筆掃千軍偶然賡韻促歸轡

佳處留連戒在君

右此君軒

瑪瑙寺有詠

葛嶺之麓下寺稱瑪瑙云增華為結構飾美太殷勤商

力彼民力

寺在葛嶺下增飾頗華美詢之大吏云浙商捐修然商力亦民力以此誇靡求勝轉不慚

余懷耳

求欣吾不欣率多弗顧去方寸愧思紛

題放鶴亭

山陰為訪隱君墳放鶴亭存舊所聞宇宙一籠何有去

和

去聲

鳴萬古亦堪欣鄙他明遠曾為賦祇此先生可作

羣笑我山莊偶曾做

避暑山莊有亭亦以放鶴名之向曾題詠

不同道也愧

云云

吟香別業

本是勾留處

是處本故督臣范承謨別業名勾留處自修葺後改今名

後易吟香所

吟香豈其時田田未鋪渚白句邈以清范業類已久

叶

葺修因大吏向亦詠之屢循名欲責實不免意為憮

詣聖因寺瞻禮

皇祖神御殿

南巡昔歲駐西湖

神御爰留敬謁詎是

聖情在遊攬都緣民莫切

許謨閱年十五茲重仰歷世百千賴

永圖業業而安勵無忝持盈虔鞏益變吾

四題西湖行宮八景

四照亭

孤山勝處舊行宮高下亭臺致不同獨喜

奎章留額紹萬方民物

照臨中

竹涼處

猗猗夾徑蟲叢篁容裔烟光接水光我是萬幾無暇者
卹能九夏此乘涼

綠雲逕

孤山山脊自成蹊夾逕深林望若迷怪底行來衣履潤
披雲尋綠藹淒淒

瞰碧樓

何必起樓咄背山明湖當面挹披間靜中忙笑搜吟者
豈若水天上下閒

貯月泉

一泓玉乳貯山根印就銀蟾若可捫佈景問誰得奇想
依稀猶道是江村

聖因寺行宮後園相傳為
康熙年間高士奇所建

驚香庭

春來新發葉飄蕭縱未花時花意標移得考功竺菴句
天香驚嶺豈其遙

領要閣

山環湖面鏡光開
應接真教無暇哉
設使弗能領要者
隨他物轉豈如來

玉蘭堂

玉蘭仍自峙堂邊
香色無雙總淨娟
十五年前侍賞處
不堪迴首意悽然

題西湖十景四疊舊作韻

蘇堤春曉

千古長堤祇姓蘇
牧民絜矩意殷吾
春風十五重經面
摘句能無愧此湖

柳浪聞鶯

聲中去聲絲而復中金聞聲難覓見於深聖湖浪接柔條

浪暖勝北方早鎖林

北方此時柳方佈
葉林陰未鎖也

花港觀魚

惠莊空論知與否
魚樂由來在港花
大輅椎輪原即此

玉泉踵事笑增華

西湖新增之十八
景中有玉泉觀魚

曲院風荷

風荷新勝易荷風曲院嫌他醉頰紅

地本南宋之麴院而多荷故有麴院

荷風之名康熙己卯

皇祖御

言景文山趣真好

李

題頭易麴院為曲院荷風為風荷

玉詩風荷

論名夏帝惡還同

珠露傾

雙峰插雲

倒影雙峯儼若垂浮雲一片兩頭披武夷縮地為明聖

不異虹橋讌客時

雷峯夕照

半存窄堵淨慈北久矣羶鄉夕照名影入玲瓏光上下
當年想像八窓橫

三潭印月

圍印千秋滿半輪前三三即後三身我來不見潭中影
省辯非因與是因

平湖秋月

平湖新水碧于油蘸入堤楊縷縷柔底更春秋較其月
幾曾宵景一憑流

南屏晚鐘

幾暇搜冥對硯屏
霜鐘送響一聲聲
鬢霜已改十年貌
醒耳清音卒未更

斷橋殘雪

十景吟成興有餘
斷橋無雪雪原如
即看四字題名處
三白何殊晷翠輿

再題林逋詩帖卷四疊前韻

不到西湖十五載
物景民情在心曲
重來情景未殊前

祇覺鬢霜異前綠來閒試步孤山陰一泓碧水浸羣玉
其間知有處士墳無神道碑已絕俗依然梅樹護墓門
千秋地下安漆燭樂飢樂道趣有餘廿年城市不及足
向題三詩和蘇韻真蹟不厭韓畫肉繼得二札仍疊吟
更識沈作先我錄向曾三用蘇軾韻題林逋詩帖卷繼
得和靖二札冊有沈周用蘇韻題其
後余亦仍疊韻題之茲南巡至浙江卷冊
並攜行篋展對印證因四疊韻題識歲月攜來卷冊相
印證朗誦即藉招隱曲徘徊半晌命歸輿掃塵跡動清
風竹竹風拂徑菜花黃雖弗榮桑亦疑菊

詠和闐玉妻梅子鶴圖小屏

孤山處士勝蜀客不上君王封禪書
試向白駒章句覓其人非玉更誰如

孤山後寫望用林逋韻

烟波疑是又疑非縱目春山立夕暉
陰嶺候寒披料峭墓門樹古辨依稀
梅如致恨開而落鶴未忘情駐不飛
偶爾閒吟懷逸士憂勞人也促興歸

杭州孤山寺再用張祜詩韻

雙峯連遠岑一島入湖心不見當年寺徒吟今寸陰葺
修較已富俯仰恣滋深吾意詎斯在乎彼總林

題陸宣公祠

最勝宋家地獨祠唐代臣千秋具公論五字表時巡急
用緩斯舍親虛疎是真始終信盧杞德廟果癡人

六一泉用韓流韻

偶閱韓流集其名曰澗泉中有詠六一邈然懷昔賢將
謂崖石際或有綠字鐫尋之乃久無徒以鈔本傳我適

憑清冷思賡韓韻連及考其跡泯把筆增茫然陵谷雖
屢變六一名不遷佛宮與禁苑見韓詩何異觀雲烟笑而
弗迴顧佳境且問前

題述古堂

量吏無端述古為柏堂竹閣重去聲成之柏難更見撐雙

幹竹易移栽近萬枝點綴却嫌非樸素徘徊祇覺惹嗟
咨宋蘇唐白湖而上未必二人首肯斯

柏堂三疊蘇東坡韻

以柏名堂事緬前于斯誰見柏喬然因知成有那無壞
何必居今論昔年太乙宮寧非假相西湖志亦半真傳
閒來三疊東坡韻不異三幡略說禪

竹閣三疊蘇東坡韻

竹閣即茲然否然香山玉局意猶軒翠筠萬古真朋友
綠字兩言永子孫過客漫尋崖上句行人還指岸傍村
春秋十六閱如水孰謂今重續韻言

九里松

蹟創自李唐千載以上亘靈竺所自入詎曰行由徑舊
新各叅半忘年友實稱翠蓋影張密雲門音奏競偶憩
一字亭怡人古色映欲問十八公誰識袁仁敬

上天竺法喜寺

巒谷溯懷抱行行越入深因之上天竺一禮古觀音大
士無著相衆生有感心訛辭訂敏政疑案務求謚

附錄程敏政重修觀音寺記訂訛

朱彝尊著日下舊聞載玉河鄉之觀音寺所供奉觀

音大士像謂自杭州天竺寺移來而引程敏政記以

實之

程敏政記稱近得石刻于土中謂金天會七年梁王統軍至杭謁上天竺禮觀音大士像及大

藏經異之因徙而北有比丘智院率其徒以從斯寺之所由始也考梁王即烏珠石刻于大定十七年

然咸淳臨安志又謂僧道元逢金難時秘大士于井

兵退知井所在得像歸之

咸淳臨安志載靖康初屬有金難僧道元秘大士像

于井兵退瓦礫中忽鏗然有聲始知井所在得像歸之院

是疑案也不可以不辨

夫大士為佛妙觀察智暨三際橫十方無時無處不在不係乎像也故佛云以色見聲求皆屬邪道法身

化身不可見報身則可見像者報身之偶託者耳既云偶託則假中之真亦不可不求其非中之是既求其非中之是則吾以為仍在天竺者是而玉河鄉者非也何也天竺嘗四至矣大士相好宛存于心且命工肖斯像二而供奉之于御園之法慧寺及玉泉山之清涼禪窟茲觀程敏政之記乃若實有其事亦不無生疑遂命奉宸詣玉河鄉昇大士像至觀之則長短豐瘠迥然不同天竺者且五色裝嚴非所謂古木

本色者也于是憬然悟程敏政之傳說並翻然悟道
元之傳會而天竺之大士本不即不離無來無去謂
燕京之大士與天竺之大士是一不可何況云二是
則兩處之記本出于僧人執像炫俗之見而不明理
好奇之文人遂亦信耳食而恣影談即以彼時事蹟
論之烏珠南下欲得宋之土地耳其次欲得其貨財
耳且金與元不同元固蒙古信佛金則不然何必遷
大士至北京乎蓋兵燹之餘寺或因亂致燬僧或隨

而至北在北者欲神其說而剏寺在南者欲復其跡
而耀人以致兩地各有一大士而豈知大士無來無
去是一不可何況云二哉雖然余茲筆之篇而訂其
訛者得毋仍執一二是非彼此之見而違大士如如
無我之本願乎哉

疊李紳杭州天竺靈隱二寺詩韻

聖湖西畔多佛宇靈隱原來天竺連兩北南峯竿峙剎
八功德水鏡呈泉筠篁萬个仍護徑香火諸方不斷烟

僧海于斯信然矣就中誰透上乘禪

一富一貧分兩寺李紳尚未悉之深

李紳天竺靈隱二寺詩云魚局畫鎖

龍宮寶雁塔高摩欲界金注云二寺殷富蓋知之未深今之靈隱緇旅衆多而常住田少不足供寺僧齋飯天

竺則每耳看市所入頗有餘貲因而兩寺貧富判然蒲司徐恕曾經奏及傳諭撫臣王寬望爲之調劑今天竺

寺住持僧歲給靈隱住持五百金以資日用亦由平等法而推者也因教僧錄周急體不

異法王平等心自昔已稱雕與飾

見李紳詩

即今仍燦碧還

金促成七字歸鞍控靜聽鐘聲送出林

題法鏡寺

三天竺以斯稱古塔蟲神尼峯護蓮神尼塔蓮花峯皆寺後佳景成

佛夢誰靈運後翻經詠憶樂天前夢謝亭翻經臺皆寺中古蹟尋奇

恰值暮春節題額猶思壬午年寺舊名下天竺壬午南巡寺僧請賜額因易今

名點綴微嫌增昔麗地方大吏以其地為至上天竺所必經畧加修葺因成事不說亦姑

聽之莊嚴本意豈其然

法鏡寺口占

佛云法本法無法首句用七佛偈中釋迦牟尼佛偈語如是何當有鏡圓

置却有無及法鏡三千大小照都全

詠三生石

靈鷲山尋下天竺三生石宛後門通却傳昔友彼僧侶
即是後逢此牧童莫訝改頭還換面何須賞月與吟風

此語即牧童所歌云

信然仍弄精魂漢

見指月錄

未識內空內外空

用白居易天竺寺七葉堂避暑詩韻

峭蒨復蔥鬱陵谷不易畢禪堂略坐憩步勞忘若失庭

松張翠蓋澗泉弄清瑟韻和去聲香山詩十年隔非疾

七葉堂口號

初祖明留五葉詞

一花開五葉初祖達摩付法時偈語也

忽增其二是誰

為香山畧晚枯禪者何亦隨聲附和之

再題錢選三疏圖疊甲戌舊作韻

西湖本有讀書堂行篋攜來翰墨香原係舊臣家棄物

豈真操履守毋忘

此幀為高士奇所藏題詩其上有多年却飽官厨味操履平生守未忘之

句昔士奇在朝攬結納賄非能守操履者因反其意識之

瓜菜紫茄各具根了當淡味勝雞豚竹窓重舉王孫句

士奇又錄趙孟頫題錢選茄菜二圖作並跋其後云與其意有合按孟頫詩云歸老林泉無外慕盤中野菜飯

黃糧其素風本亦如此若士奇歸田後為利頗知令智
厚殖自利又豈能如松雪之無外慕乎

勝處旬朝駐蹕居雪溪即景玩三疏可知學圃佐農務
得句還教幘裏書

西湖詠南宋事

內湖外湖活畫披南山北山明鏡裏開封失守遷以居
棄置中原如弗視長江為塹姑恃防處堂燕雀聊堪比
偏安民物值富饒君臣胥忘卧薪矣朝歌夜絃詗昇平

春遊秋賞窮奢靡即今峯凹水之裔徃徃行宮見遺址
名園弗可屈指數而胡秦賈亦效此湖山一時之幸耳
然其不幸應在是孝宗可謂盡奉養何乃身逢不孝子
秀王本生太漠然矯枉濮王過正爾沈氏日旦有佳評
寧獨責賢實至理

按沈長卿著沈氏日旦云宋孝宗之事高宗也歲朝
太上皇于德壽宮時節從幸聚景園七十八十遞加
尊號服三年喪不變此特問視之常禮哀戚之恒情

耳胡遂以孝謚耶至秀王為孝宗本生父在御二十七年不一加尊號張夫人為本生母薨僅成服後苑何其薄也光宗之事孝宗併常禮恒情不存矣自紹熙三年間六朝重華宮而後壽皇疾不問大漸不赴成服不哭羅點引裾諫而留正肩輿適去豈孝宗粉飾彌文之真誠以動厥子耶所論得情理之平非獨責備賢者苛求于孝宗也因感西湖南宗時事并及之

湖心亭

誰云無地起樓臺無地樓臺鏡面開到必以舟限塵遠
坐當忘物是雲來兩峯西峙惟天近三塔南浮倩月陪
白髮較添鬚尚黑撚吟今昔底殊哉

漪園

西湖何處不清漪園作池園因額之

乙酉南巡始見此園蓋倚山占湖而

為之因賦詩云一園倚南嶺十畝占西湖亦紀實也

一棹不妨重濟勝七言耐可

乍宜詩鳥銜菽菽紅花片魚避垂垂綠柳絲早慮侵尋

占湖面有關水利戒頻為

西湖十里建湖魚蝦菱芡之利取攜城所不禁而民間侵

占湖面或作水蘄或為埭田或圍為池國設遇行潦必致無所容而反虞泛溢則水利所關不可不防其漸曾

于乙酉南巡時諭令禁民侵占云

淨慈寺瞻禮有感疊乙酉詩韻

依然古寺枕湖涯為憶前巡此祝

釐顒願

九旬延聖筭豈期一旦別

仁慈亦知是處應忘念難對斯時弗溯思鼉鼓鯨鐘喧

梵貝聽之總覺不相宜

淨慈方大詠古

靈隱羶乎北淨慈鄉于南對峙輝佛日歷劫宣華嚴永

明及壽寧名已屢改瞻錄鏡緬延壽

永明延壽禪室于北著宗鏡錄鑄

金傳道潛虛稱貞明鍋幻求濕毘籤後菴亟清幽松竹

籠花龕淨想一屏營笑我言仍詹

詠雷峯塔

中峯迴映淨慈崢僧院顯巖舊有名白業廢頽非昔觀

去聲黃皮突兀至今撐詩詞誰繼林和靖圖畫猶存莫景
行窄堵漫嫌留半截應知全體箇間呈

小有天園

小有天園吾所名既窈而深復明淨別後忽忽十五年
倘此重臨宛熟徑為堂為閣為林木一一含暉碧波映
入幽得迴復開豁眼底西湖呈遠鏡循名那復無清會
而實非因暢吟興譬之人心祇方寸中有天焉呼吸應
操之則存舍則亡吉凶所關在敬勝園較方寸斯大矣

游衍敢忘曰旦詠

虎跑泉再疊蘇東坡韻

石罅噴花雪飛上跑傳有虎威靈仰性空大德既居之
何愁無水煩神掌古藤喬木蓊蔚間重來試一聽清響
玉局險韻一再賡亦曰非想非非想

開化寺

月輪山頂開化寺建置傳因南果園

開化寺本吳越錢氏南果園宋開寶

三年僧延壽開山建六角塔以鎮江湖紹興間僧智雲重修

幾度廢興法如是一時

瞻禮佛無言浙江永鎮潮和沙南海同叅風與禱

廣州南海

光孝寺初名訶林梁天監元年智藥三藏自西竺國移植菩提一樹于壇前唐儀鳳元年六祖慧能祝髮樹下因風颺幡一僧云幡動一云風動六祖曰風幡非動動自心耳後人于此建風幡堂至南宋改為光孝寺少

坐便因移蹕去欲勤實政異空門

瞻禮六和塔作

六和四度臨兩登

辛未乙丑

罷其兩

壬午乙酉

况閱十五歲七旬

年已長何必學少者言登斯技癢然吾別有會登取一

時賞弗登意無盡江天原豁朗豈係百丈高試以昔題

想初地此堅固二諦俱融象三明通淨域四諦羅寶網
五雲扶蓋聳六龍負戴焚七寶莊嚴畢

以上七層匾額皆辛未初登所

題
共演古長廣登乎弗登乎且詠詩瞻仰

遊雲棲四絕句

循塘減從路由西花拂垂鞭香馬蹏已是不凡仙境界
雲標遙認寺雲棲

前疑無路路原通密護千天綠竹叢笑指洗心亭下水
碧雲寺裏偶相同

看山碧雲寺洗心亭即做此以名之去歲臨憩曾有佳名津逮自雲棲之

句

低簷矮屋不華寺
淡食粗衣本分僧
朝暮但勤持六字
可知六字括三乘

廊轉東廂曲徑連
別開軒閣小留延
得無塗汗淨修處
試問蓮公應不然

雲棲寺三疊舊韻一律

一徑入深萬竹青
洗心奚藉有溪亭
已知古佛坐而待
寧在梵經誦以聽
本分僧規喜淳樸
不塵山色鎮凝停

董家真蹟欣重展

寺藏董其昌書金剛經真蹟每臨展閱于今五度云怕撫知他

筆擅靈

理安寺

溪澗迴環徑不寬到來精舍暫盤桓泉臨法雨毛髮鑑

閣坐松巔衣袂寒

法雨泉松巔閣寺中二景也

唐宋遺踪頗可考人

天顯應漫從看理安傳自理宗定其代偏安理豈安

賦得春風扇微和

得巡字八韻浙省試題

淑景方迴律東風正扇春冲融微送暖澹蕩恰依旬雖

具吹噓午全殊栗烈晨天心昭愛育物意暘和闇悠颺
含生卉動搖解凍淪能言繞樹匝自舞步檐巡催放非
催謝治新亦治陳常懷管仲語欲擬被諸人

山東巡撫國泰奏報得雨詩以誌慰

京北畿南皆報雨山東未報屢詢之

前北袁守伺奏二月初三初五等日

順天保定河間天津宣化遵化易州等府州所屬均得
雨雪二三寸不等麥苗滋長等語因念直隸山東接壤
雨澤自應廣被而國泰未見奏到現屆東作方
興之際地方晴雨深所繫念因屢次傳諭詢之茲稱通

省被斯遍

初八日國泰奏濟南泰安武定兗州沂州曹
州東昌青州濟寧臨清十府州所屬于二月

初五初十一一十三十七等日得雨二三四五寸不等其登萊二府所屬亦于十八日得雨三寸現在通省雨水需渥麥苗暢茂等語覽奏欣慰惟奏報已遲殊屬不當久勒盼望耳乃飭臬郵到已遲

茂長麥苗堪待秀遍耕穀種更欣滋迴舟此況應全攬仍祝雨暘幸以時

丁家山口號

尋勝宛來勝處停依然石白與蕉青底須賓主較形似假相去聲何妨寄所丁

遊龍井作

溪橋三笑復經過天朗氣清景物和山水淨明詎有比
春秋十五閱無何詩題在壁如昨耳畫幀當窓異昔麼
靜賞怡神忽不懌聒人牆外奏笙歌

龍井八詠

過溪亭

不過原來有溪在過而弗覺並溪無前三三後三三者
應笑今朝又過吾

滌心沼

泉能為滌心為所心所泉能兩孰真欲起辯才作轉語
滌之一字屬何因

一片雲

雲依石則石為主石似雲斯雲作賓箇裏由來無定法
打成一片是何人

風篁嶺

橫嶺中分南北雲篁簾夾路翠氤氲經過不覺衣裳濕
清籟猶從天半聞

方圖菴

述古何須稱辯才
笠菴聊爾與徘徊
天圓為覆地方載
試問誰能出此哉

龍泓澗

乳竇淙淙出石罅
石欄圍處作天池
適來谷口看飛瀑
誰識瀉從脚底斯

神運石

傑立昂然似偉人
運來聞說力由神
東坡被服夫子者

不語可曾此辨真

翠峯閣

層甍迴據最高峯十五年重此蹟蹤依舊青山綠水裏
去來今者覓何從

展龍井所弃臨蘇東坡書和過溪橋詩卷仍疊舊

韻

學蘇書不成秃筆徒如邱慙愧裝長卷寄來癸未秋

癸未

秋曾臨東坡此詩裝
成長卷付龍井弃藏

乙酉春之臨展閱句曾留

乙酉春
南巡臨

此展閱是卷曾
和韻書卷中

茲復重把吟一泓俯龍湫怪石稱神運

峻挺眇舉頭下還飛瀑飛上仍浮雲浮幽香蘭際遮清
籟竹邊優勝趣弗殊前忽忘歲月流溪不妨我過境訝
同彼遊陟懷掖

輦處憾憾饒清憂

留餘山居

山居南山陰松竹何森森熟處自難忘乘閒聊一尋植
物既瀟灑峙物仍林岑時有激湍鳴蓋緣靜不禁曲中

宛得路塵外足暢襟繹茲兩字題悠然獲我心應為窮
理思詎祇攬景吟

御製詩四集卷七十一